

lis copiosis albis tecta. *Calyx* villosissimus. *Flos* luteus speciosus diametro sesquipollicari. 24. D.

HIERACIUM *andryaloides*. 24. D.

— *collinum*. 24. D.

— *trichiocephalum*. 24. D.

CREPIS *bannatica*.

C. foliis radicalibus lanceolatis dentatis, caulinis lanceolatis sessilibus a medio ad basin dentatis, dentibus inferioribus elongatis, pedunculis unifloris, calycibus hispidis, calyculo patulo.

*Habitat in* Banatu. ♂. D. F.

C. *hispidae* et *agresti* affinis sed diversa *radice* bienni *floribus* non corymbosis, *foliis* caulinis sessilibus nunquam vero sagittatis. *Folia radicalia* glabra petiolata lanceolata vel obsolete petula vel leviter runcinato-dentata. *Caulis* bipedalis teres pilis patentibus raris hispidus, ramis aliquot alternis instructus. *Folia* caulina lanceolata sessilia glabra, costa media subtus hirta, a medio ad basin dentata, dentibus inferioribus elongatis. *Pedunculi* uniflori. *Calycis* foliola dorso hispida. *Calyculus* patulus, foliolis lanceolatis numerosis glabris.

— *nemausensis*. ♂. D.

— *nicaensis*. ☉. D.

— *raphanifolia*.

C. foliis radicalibus caulisque inferioribus pinnatis lyratis, caulinis superioribus lanceolatis amplexicaulibus inferne dentatis, floribus corymbosis, calycibus pedunculisque glanduloso-pubescentibus calyculi foliis calyce duplo brevioribus bracteisque scariosis. 24. D.

*Radix* crassa perennis. *Folia radicalia* pilis raris minutis sparsis obsita, pinnata, foliola lanceolata subangulata subdentata, terminale maximum obtusum subintegerrimum subhastatum. *Caulis* bipedalis striatus pilis raris hispidus. *Folia caulina* inferiora pinnato-lyrata, superiora lanceolata amplexicaulia a medio ad basin profunde dentata. *Flores* corymbosi. *Pedunculi* glanduloso-pubescentes. *Bracteae* ad basin pedunculorum oblongae ventricosae inflexae concavae integerrimae scariosae. *Calyx* glanduloso-pubescentis. *Calyculus* subpentaphyllus calyce duplo brevior, foliolis ovatis scariosis.